

ხელშეკრულება აუდიტორული მომსახურების შესყიდვის შესახებ
ხელშეკრულება №3

ქ. ბათუმი

18, იანვარი, 2016 წ.

ერთის მხრივ შეზღუდული პასუხისმგებლობის საზოგადოება „ჰიგიენა-2009“, წარმოდგენილი მისი დირექტორის ირაკლი ცეცხლაძის სახით შემდგომში - „შემსყიდველი“, და მეორეს მხრივ აუდიტორული ფირმა შეზღუდული პასუხისმგებლობის საზოგადოება „დან-აუდიტი“ შემდგომში - „მიმწოდებელი“ (სერტიფიკატი ზ #5/535 გაცემულია საქართველოს პარლამენტთან არსებული აუდიტორული საქმიანობის საბჭოს მიერ 2011 წლის 16 მაისს, (საქართველოს 2012 წლის 29 ივნისის #6598-რს კანონის „ბუღალტრული აღრიცხვის წარმოების, ფინანსური ანგარიშგების აუდიტის შესახებ“ მე-16 მუხლის მე-3 ნაწილის თანახმად მოქმედების ვადა გაგრძელებულია 1.01.2018), წარმოდგენილი მისი დირექტორის ჯემალ ძნელაძის სახით, ერთად წოდებული „მხარეები“ ვთანხმდებით და ვდებთ წინამდებარე ხელშეკრულებას შემდეგზე:

1. ხელშეკრულებაში გამოყენებულ ტერმინთა განმარტება

- 1.1. „ხელშეკრულება სახელმწიფო შესყიდვების შესახებ“ (შემდგომში - „ხელშეკრულება“) – შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით. ხელშეკრულება შედგენილია 2 თანაბარი იურიდიული ძალის მქონე ეგზემპლარად ქართულ ენაზე, აქედან 1 ეგზემპლარი გადაეცემა მიმწოდებელს, 1 - შემსყიდველს.
- 1.2. „ხელშეკრულების ღირებულება“ – ხელშეკრულების ჯამური ღირებულება, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულების სანაცვლოდ.
- 1.3. „დღე“, „კვირა“, „თვე“ - კალენდარული დღე, კვირა, თვე.
- 1.4. „შემსყიდველი“ - ორგანიზაცია, რომელიც ახორციელებს შესყიდვას.
- 1.5. „მიმწოდებელი“ - პირი, რომელიც ახორციელებს მომსახურების მიწოდებას ხელშეკრულების ფარგლებში.
- 1.6. „მომსახურება“ - ხელშეკრულების მე-2 მუხლით გათვალისწინებული ხელშეკრულების საგანი.

2. ხელშეკრულების საგანი:

- 2.1 შემსყიდველისათვის მიმწოდებლის მიერ საქართველოს მოქმედი კანონმდებლობისა და აუდიტის საერთაშორისო სტანდარტების შესაბამისად აუდიტორული მომსახურების გაწევა, კერძოდ: მიმწოდებელმა უნდა მოახდინოს შპს „ჰიგიენა 2009“-ს კაპიტალში შესატანი ცვლილებების მოცულობის დადგენაში მონაწილეობის მიღება, შენატანების მოცულობის განსაზღვრა და შესაბამისი აუდიტორული დასკვნის მომზადება (79210000 - საბუღალტრო და აუდიტორული მომსახურებები).
- 2.2. მომსახურების მოწოდების პერიოდი განისაზღვროს 2016 წლის 18 იანვრიდან 25 იანვრამდე მდე

3. მხარეთა უფლებები და ვალდებულებები:

3.1 „მიმწოდებელი“ ვალდებულია:

- 3.1.1. დაიწყოს შემოწმება ხელშეკრულების ხელმოწერიდან ერთი კვირის განმავლობაში.
- 3.1.2. მოქმედი კანონმდებლობის, ნორმებისა და სტანდარტების, „შემსყიდველთან“ დადებული ხელშეკრულების პირობების, პროფესიული ცოდნისა და გამოცდილების საფუძველზე მიაწოდოს შემსყიდველს აუდიტორული მომსახურება.

3.1.3 მიიღოს „დამკვეთის“ ან მესამე პირების ხელთ არსებული ყველა საჭირო დოკუმენტი, რომლებიც შეეხება აუდიტის საგანს. ასეთი დოკუმენტების მქონე მესამე პირები ვალდებული არიან წარუდგინონ ისინი აუდიტორს (აუდიტორ ფირმას).

3.1.4. საიდუმლოდ შეინახოს აუდიტორული მოსახურების დროს მიღებული ინფორმაცია, არ გაახმაუროს საიდუმლოების შემცველი ცნობები, არ გამოიყენოს ისინი თავიანთი ან მესამე პირის ინტერესებისათვის.

3.1.5. მომსახურების დასრულების შემდეგ წარუდგინოს „შემსყიდველს“ ხელშეკრულების საფუძველზე შედგენილი აუდიტორული დასკვნა.

3.2 „შემსყიდველი“ ვალდებულია:

3.2.1 „მიმწოდებელს“ დროულად, მოთხოვნისთანავე გადასცეს აუდიტის ჩასატარებლად საჭირო დოკუმენტაცია, რომელთა ნუსხასაც წარუდგენს აუდიტორი წერილობით მოთხოვნაში. წარმოდგენილ დოკუმენტაციის უტყუარობაზე, სისრულეზე და შესაბამისობაზე პასუხისმგებლობა ეკისრება „შემსყიდველს“ და/ან მესამე პირს.

3.2.2. მოსახურების ხარისხიანად ჩატარების მიზნით გამოყოს სამუშაო ადგილი და უზრუნველყოს კომპიუტერული და სხვა სახის საჭირო მოწყობილობით.

3.2.3. აუცილებლობის შემთხვევაში უზრუნველყოს შემოწმების პერიოდში წამოჭრილ სადაო საკითხებთან დაკავშირებით თავისი თანამშრომლებისა და მესამე პირების დასწრება.

3.2.4. დროულად აანაზღაუროს აუდიტორის მომსახურება ამ ხელშეკრულების პირობების შესაბამისად.

4. მომსახურების ღირებულების და ანგარიშსწორების წესი:

4.1. აუდიტორის მიერ ამ ხელშეკრულებით გაწეული მომსახურების ღირებულება შეადგენს 150 (ასორმოცდაათი) ლარს;

4.2. ხელშეკრულებით განსაზღვრული თანხის ანაზღაურება განხორციელდეს უნაღდო ანგარიშსწორებით აუდიტორული მომსახურების მიღება-ჩაბარების აქტის ხელმოწერიდან 10 დღის განმავლობაში.

4.3. ხელშეკრულების ღირებულება მოიცავს მიმწოდებლის ყველა ხარჯსა და საქართველოს კანონმდებლობით დადგენილ ყველა გადასახადს

5. მხარეთა პასუხისმგებლობა ხელშეკრულების პირობების შეუსრულებლობისათვის

5.1 ხელშეკრულებით ნაკისრი ვალდებულებების შესრულების ვადების გადაცდენის შემთხვევაში, ყოველი დაგვიანებული დღისთვის, მიმწოდებელს ეკისრება პირგასამტეხლო ხელშეკრულების ღირებულების 0,1 %- ოდენობით.

5.2 იმ შემთხვევაში თუ ვადების გადაცდენისთვის დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 3%-ს, შემსყიდველს უფლება აქვს შეწყვიტოს ხელშეკრულება.

5.3. მიმწოდებლის მიერ ხელშეკრულების შეწყვეტის შემთხვევაში, მიმწოდებელს ეკისრება პირგასამტეხლო ხელშეკრულების ღირებულების 3%-ის ოდენობით.

6. ხელშეკრულებაში ცვლილების შეტანა და ხელშეკრულების შეწყვეტა

6.1. ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.

6.2. ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

6.3. ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ.

6.4. ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე. მუხლი

7. ფორს-მაჟორი

7.1 მხარეები თავისუფლდებიან ხელშეკრულებით განსაზღვრული ვალდებულებების შეუსრულებლობით გამოწვეული პასუხისმგებლობისაგან, თუ აღნიშნული გამოწვეულია დაუძლეველი ძალის ზეგავლენით. აღნიშნულის არსებობის შემთხვევაში, მხარე ვალდებულია აცნობოს მეორე მხარეს ნაკისრი ვალდებულებების შესრულების შეუძლებლობის შესახებ.

7.2 თუ ერთ-ერთი მხარე დაუძლეველი ძალის გამო ვერ ასრულებს ნაკისრ ვალდებულებებს, იგი ვალდებულია დაუყოვნებლივ, მაგრამ არაუგვიანეს მომდევნო კალენდარული დღისა აცნობოს მეორე მხარეს მათი დადგომის ან/და დასრულების შესახებ. წინააღმდეგ შემთხვევაში, შესაბამისი მხარე არ გათავისუფლდება ნაკისრი ვალდებულებებისაგან;

7.3 მხარეთა პასუხისმგებლობა და ვალდებულებები განახლდება დაუძლეველი ძალის მოქმედების დასრულებისთანავე.

8. დავები და მათი გადაწყვეტის წესი

8.1 ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ სასამართლოს საქართველოს მოქმედი კანონმდებლობის შესაბამისად.

9. ხელშეკრულების მოქმედების ვადა

9.1 ხელშეკრულება ძალაში შედის ხელმოწერის დღიდან და მოქმედებს 2016 წლის 28 თებერვლის ჩათვლით.

10. ზოგადი დებულებები

10.1. არც ერთ მხარეს არა აქვს უფლება, მეორე მხარისაგან წერილობითი თანხმობის გარეშე თავისი უფლებები ან ვალდებულებანი გაასხვისოს ან გადასცეს მესამე პირებს.

10.2. მხარეები თანხმდებიან, რომ ის ურთიერთობანი, რომელიც არ იქნა რეგულირებული წინამდებარე ხელშეკრულებით, რეგულირებული უნდა იყოს საქართველოს კანონმდებლობით დადგენილი წესით.

11. მხარეთა რეკვიზიტები და ხელმოწერები:

„შემსყიდველი“

შპს „ჰიგიენა 2009“

ქ.ბათუმი, დ.ადამაშენებლის ქ.№21

საიდენტიფიკაციო კოდი: 445626684

საბანკო რეკვიზიტები:

სს "კორ სტარდანტ ბანკი"

ბანკის კოდი: KSBGGE22

ანგარიშის №: GE98KS0000000340800017

დირექტორი
ირაკლი ცეცხლაძე

„მიმწოდებელი“

შპს „დანი აუდიტი“

ქ.ბათუმი ასათიანის მე-3 შეს.ქ N7

საიდენტიფიკაციო კოდი: 245427550

საბანკო რეკვიზიტები:

სს "პროკრედიტ ბანკი"

ბანკის კოდი: MIBGG22

ანგარიშის №: GE12PC0033600100024122

დირექტორი
ჯემალ ძნელაძე